

Sakr_a ar Osar Dua_r

“Sakr_a dua_rte bolok'pe, ente okat.ak' hor ba_r.ic' sec'e idipe ona reak' dua_r do osargea ar hor do phaelaogea. Ar d.her hor.ge onateko bolok' kana. Menkhan okat.ak' hor jion sec'e a.yur idi ona reak' hor do sakr_agea ar dua_r do sur.uc'gea. Ar thora hor.ge noa doko sendra n'amet'kana” (Mathae 7: 13- 14.).

1. Osar dua_r do bar.ic' gea;

Jisue meneda, dua_r do osargea ar hor do phaelaogea ona hor do ba_r.ic' sec'e idikoa, ar aema hor.ge ona horteko bolok' kana. Aema hor.ko moneak' kana hor do onko lagit' t.hikgea. Menkhan Jisue meneda ona hor do bar.ic' sec'e idikoa. Aema hor.ko pa.tia.uk' kana joto dhorom hor.do mit' jaegarege ko sen akana. Jisue meneda aema hor.ge bhul hor re menak'koa. Ente osar hor okat.ak' do ba_r.ti hor.ko pa.tia.uk' kan ona hor do ba_r.ic' sec'e idikoa mane norok sec'e idikoa .

2. Sak_ra dua_r do Serma jion sec'e idia;

Menkhan Jisue menakada, ar mit't.en et.ak' hor menak'a. Ona reak' hor do ka.t.ic' gea ar dua_r do sakr_agea. Ar ona hor do jion sec'e idia ar a.d.i kom hor. ona doko n'am bar_aeda. Ona jion do hoyok' kana jaejug serma jion. Ona serma jion n'am hoyok' tabona menkhan aema hor.ge ona jion n'am lagit' ban'ko kurumut.ueda. Nia. oktere aema hor.ge serma paradeshre bolok' lagit' sana menak'takoa, menkhan Jisue meneda, Joto hor.do bako bolo dareak'a. A.d.i kom hor .serma jion ko sendra n'ama, ente ond.e calak' hor do su~r.u~c'gea.

“Dua_r do In'ge. Ente jahaenge In' sec'te bhitriteye bolok' uni do ban'caoe n'ama.” (Johan 10:9) Jisue meneda, In'ge dua_r do, In'ge ona sakr_a dua_r do, okat.ak' hor do serma jion sec'e idi.

Jisue meneda, “ In'ge hortet', sa_ria.k'tet' ar jion , In' hotete ban'khan okoe ho~ Baba then ohoko calao dar_e.lena.” Johan 14:6.

Jisue meneda, Jodi serma rajte bolok'e menjon' khan ond.e calak' la.git' mit't.enge hor menak'a ar ona do hoyok' kana Probhu Jisu Ma.si Pan'jaye. Onate Masi aboe cet' abon kana aema hor.ge jion hor te

ban'ko calao dar_eak'a, eken okoe do ma_~hi~r salak' , kastao tuluc', ar apnarge ban'ok'kankoge unige Jisu songei calao dareak'a.

Jel Ak' Goḷpo

Sedae reak' katha, mit't_en birre Jel gharon'j tahe~kana. Ona gharon'jre mit't_en har_am hor_ , ac'ren kor_a ar gor_om gidra_i tahe~kana. Uni har_am jel do umerte a_d_i laha akane tahe~kana. Onate ja~ha~nak' kam-kaj koho~ bae dar_eak'kan tahe~kana. Ado uni har_am do ac'ren hopontet' cetanrege t_eha~d.ok'kan tahe~kana.

Mitdin har_am ren hopontet' do ha_t_ia_te senente n'elok'te maran' uta_r kha_cla_k'e kirin' a_gukeda. Ina_kate ona kha_cla_k're apat'tet'e bhorao kedete bir talare gid_i ot_okedea. Khange uni jel hopon do enec' khila_d_ bar_akate or_ak'e hec'enre ac' har_am bawak' katha apat'tet'e kulikedea. Apat'tet' doe menkeda, "am har_amba do a_d_ige har_am cabayena, cet'ge bae ka_mi dareak' kana. Eken ba_r_ti jalao are jan'jalet' kana. Onate bir talaren' doho ot_okedea. Ond_e ta_rup' menaea, unige nahak'e jomea. End_ekhan aboak' jan'jal cabak'a. Apat'tet' ak' katha an'jomte uni jel hopon doe menkeda, menkhan baba mit't_enem bhul akada. Disa_kate ona kha_clak'em a_gu lekhan, amem har_am lenre t_aka paesa khoroc' kate kha_cla_k' ban' kirin' lagaoa_n'a. Ac'ren gidra_wak' katha an'jomte apat'tet'e tharbasaoena ar ac'ak' bhule an'goc'keda. Ado ene harephare bire senente jel har_am or_ak'e a_gukedea.

Sikha_una: Aboren gogo-baba sa~o cet' lekabon beohar, aboren gidra_ ko ho~ abo sa~o onkageko beohara.

Dinajpur re Pea Santal Jawa Boeha SSC bid .a .ure GPA-5 Ko Hamet . keda

Sokolbar (28.07.23) ta .rik do SSC bid .a .u reak´ jo sodorena. Got .a disomre SSC bida .u ko emlet´ gidra .ko modre adom doko pass akada arho´ adom do bako pass dar .eada. Pass ket´ gidra .ko a .d .i ra .ska .re menak´koa, menkhan bako pass dar .eak´ gidra .ko do a .d .i bhabna ar cinta .re menak´koa.

Onka leka Dinajpur, Birampur upajila reak´ Chondipur atoren pea santal jawa boeha SSC bid .a .ure GPA-5 ko hamet . keda. Noko pea boeha kur .i kor .a mit´ sa´ote GPA-5 ko hamet .ket´ ra .ska . khobor ad .epasere pasnaoena. Ba .r .tikaete ako ghron´jren joto hor . a .d .iko ra .ska .k´ kana. Onko pe boehawak´ n´utum do Lasar Sourov Murmu, kur .i boeha Mery Moumita Murmu ar Jenivia Murmu. Onko pea boeha do Birampur Pilot High School khon SSC bid .a .ureko selet´lena. Onko gidra . ren apat´ n´utum do Johannes Murmu, one uni mit´t .en Be-sarkari songstha re ka .mi kana, ar en´gat´tet´ do Sohagini Hasda. Pea boeha modre Lasar Sourov Murmu do Engineer, ar kur .i boeha do daktar hoyok´ reak´ monsuba . menak´takoa. A .kinren gidra . koak´ bid .a .u jo an´jomkate a .d .i kusi ra .ska .re en´gat´ apat´ ho´ menak´kina. Ente unkinak´ kukmu do onko gidra . lia .ge. Gidra . koak´ tayom daram kukmu pura .uge nit a .kinak´ jion reak´ maran´ kukmu do. Onate sarkarak´ gor .o ar joto hor .ak´ daya a .sirbad kin khojkeda.

Sa .rige noa khobor do eken ako gharon´j ren la .git´ ra .ska . khobor do ban´ kana, got .a disomren santalko la .git´ a .d .i gorob ar ra .ska . reak´ khobor kana. Nonkage jemon santal ko laha calak´ ma.

Dengue Rua

Nia ko din a.d.i ba.r.tikaete dengue rua cha.plao akana got.a disomre. Noa rua.te ja.bukate aema hor. doko gujuk' kana. Onate nia ko dinre Haspatal kore ho~ dengue rogi te perec' akana. Enreho~ hor.ko talare ja~ha~n sontor se cetonge ba.nuk'a.

Dengue rua cet' lekate cha.pla.uk'a?

Dengue rua d.her do sikri~c' ko hotete mit' hor. khon et.ak' hor. t.hen uca.r.ok'a. Cedak' je, sikri~c' tinre dengue rua.te ja.bun akan hor.e gere unre uniak' hor.more mit' lekan virus do bolok'a. Ina.kate uni sikri~c' hotetege et.ak' hor.ak' hor.more noa rua. uca.r.ok'a. Onate dengue rua.te ja.bunok' hor.ko mosari bhitrire dohoko hoyok'a. Jemon uni khon et.ak' hor.ak' hor.more rua. ban' uca.r.ok'. Ba.r.tikaete okoe koak' hor.more Immunity se rua. birud ten'go dalam reak' dar.e sa.kti komge onkan hor.ge a.d.i usa.ra noa rua.teko ja.bunok' kana.

Dengue rua reak' cinha ko:

1. Lac hasoa.
2. A.d.i ba.r.ti dak' tetan'a.
3. Ghane ghane bec' se bec' ban' bondok'a.
4. Bec' sa~ote ma~ya~m ho~ ond.on'ok'a.
5. Jambe khon ma~ya~m jorok'a.
6. Turui ghont.a khon ho~ d.her gha.r.ic' racate ban' hoyok'a.
7. Sahe~t' re muskil hoyok'a.
8. Hor.more lan'ga at.karok'a.
9. Hor.mo reak' tapmatra komok'a.

Dengue rua khon rukhia reak' upa.i:

1. Or.ak' ad.epase sapha sa.phi dohoe hoyok'a ar okare ho~ dak'ko ban' jawa ocoe hoyok'a.

2. Or.ak' ad.epase kore gid.ikak' ba.lt.in, t.ob , plast.ik kore dak' jarwak'a, onate bin ja.rur.ok' jinis d.asbinre gid.ikak' hoyok'a.
3. Ja.pit' okte mosari t.an'gao hoyok'a.
4. Ti dha.bic' an'grop'-kic'ric' ko horok hoyok'a.
5. Sikr.i~c' khon rukhia. n'am la.git' sikr.i~c' ran cream beohar hoyok'a hor.more ar or.ak're do jaoge Aerosol spray hoyok'a.

Dengue khon rukhia.k' la.git'te cetanre emen nia.mko leka calak' ar manao ganao hoyok'a. End.ekhan sanam hor.ko kha.t.ige dengue rua. khon rukhia. bon n'amte napae bon tahena, Ar nonkate niropon hor.mo ho~bon hamet. dar.eak'a.

In'an' Jo_s do_ Ce_t' ?

Bochor a.curok'kan sa~o sa~ote arho~_ he_c' set.arena Santal ja.tkoak' her.an dinisa. ma~ha~ 30 Jun. Noa din do_e disa. ocoet' bon kana Santal, A.diba.siko cetanre hoelen sanam lekan santhao, siba.r., bhina. bhini, be.ba.sut, ar disom, kort. kacaha.rikore deko, In'ra.jkoak' china.puri beohar, oka karonte do_ janamlen Santal hul 30 Jun, 1855 Khr. Noa hulre a.k'yurkoko tahe~kana Sidhu, Ka.nhu, Ca~nd, Bhaero bha.ya.diko. Bud a.kil udga.u suhu~k' ar gor.o gopor.oko n'amleđa pargana, desma.n'jhi, ma.pa.n'jhiko ar ona elakakoren ba~r.tikae Santal ar et.ak' et.ak' A.diba.siko kho_n. Ado_ noa Santal hul reak' motlob ar jo_ste' do_ ce_t' tahe~kana? La.ilek do_ dho_rage tahe~kana- a) Sanam lekan siba.r., koclon ar ba.d.a.ria. deko koak' china.puri beohar bond. b) Sik'ba.r.ia. deko jumidar, sudkhor mahajon, jotdar, t.ho_kbaj, pha.sia.ra bepariko elaka khon laga n'irko. ar c) In'ra.j ar onkoak' sason bebostha humca.k' gid.iete akoak' raj sason t.arhao. Un o_kte_ Santal A.diba.siko jeleka siba.r. arko santhao ocok'kan tahe~a, end.ekhan onkoak' buj lekate akoak' hul reak'

motlob/jo_s do_ t.hikge tahe~kana. Gha.t.ti do_ tahe~kana sanam se_nte apnarak' dar_e jothat leka ban' ajmao dar_eak', la_r.ha.i calao ar t.arhao reak' dar_e apnarre ban' tahe~kan, apnarak' monsuba. se_ motlob In'ra.jko batao ocoko reak' targhar ban' bad_ae, noakoge gha.t.ti se_ obhab do.Tobe ja.t hisa.bte jaoge gorob reak' katha do_ noage, bir bant_a leka jiwiko alae akada, apnar bako soprotlena. Khan arho~ kukli- Santal hul reak' jo_s do_ tina.k'gan arjao akana? He~, ro_r. rua.r. do_ muskilgea !

Nit do_ arho~ nia jugren jua.nko t.hen kukli- amak' jo_s do_ ce_t'? In'ak' jo_s do_ ce_t' kana ? A.diba.si hisa.bte aboak' lahanti reak' dorson do_ ce_t' ? Noa maran' salmesal somajre ekal mesal mila_u uta.rok' ? Se_ sirja.n reak' nanahuna_r mut.ha.n t.ika_u do_ho_ete ja.t bhina. bhini hudis ba.gi gid.ikate jo_t.o_ ja.t, dho_ro_m, pa_r.si, legcarren ho_r.ko sa~o nira.ite girobasok' ? Raja.ri reak' ilin/cap begor, man manot lia. apnar somaj reak' lahanti ar disom lahantire jo_to_koak' se_pe_le_t' ?Nindara A.diba.si sikhna.t jua.nko disom, ja.t ar apnar somaj, legcar, pa_r.si, apnar man manot, ka.mi n'am reak' a.t ar noa karonte apnar gharon'j khon a.d.i jha.lre tahe~n hoyok'kan emanko lia. ga.hir hudisok'ko ce_t'et' kana. He~, noako babot do_ aboko hudistege lekkan tabona. O_kte_ parom calak'kan buhire apnar buha.l paromok' do_ ekal ban' t.hik kana. Non'kaete do_ kha.t.ige ba.i ba.ite mohor met.aok' do_bre bon par.aok'a; ar ban' khan jaejugge et.ak'koren gula.m leka kat.a latarre bon tahe~na, oka do_ sirja.n reak' bemanot. Galmaraore jopor.ao menak' kha.tirte arho~_ menkok'a- mit' bar A.diba.si ho_r.ko apnar jo_m n'u~ reak' aotanko (□□□□□□□□) tear dar_eakat'a t.hikge. Menkhan, adomko do_ ac' ac'tege somaj ar apto gust.iko khon pharak akanko tahe~n kana. Onko do_ somajre ce_t' ka.mirege bako lagaok' kana ar noa la.git' ce_t' da.nd ho~ ba.nuk'takoa. Arho~ mit' bar cetan sikhna.t jua.nko do_ napae napaeko cinta. bhabnaea, mon'j ka.mikoko ti jan'gawak'a; menek oka do_ ako bhitrire mot reak' bemil, apayurre bekusi, bintiric', dho_ro_m lia. re_t.e.pe.te_ eman karonkote maran' ranajot. do_ ban' tear rakap' kana. La.t.u ho_r.ko bhitrire ho~_ nia.ko karonge. Thor.a sikhna.t kor.a kur.iko aemage pharak disomre ka.mi kha.tirte menak'koa. Ond.e nanaparkan muskilak'kote tenakan, adomko do_ arho~ be_sapha, belek jin'gire se_le_t' akan, okoe do_ rua. hasore ja.bun akan

menak'koa.No~k'o~e non'ka abo A.diba.si ho_r. hopon koak' jingi hal do_.

Khan, muca.t're arho~ jua.n kor.a kur.iko t.hen kukli- Santal hul reak' motlob/ jo_s tahe~kana. Naha~k' noa dha.rti in'an' cinta. bhabna jugre amak' jo_s do_ ce_t' ? Amak' ar somaj lahantie reak' dorson do_ ce_t'? Jo_stet' do_ n'el t.hik hoyok'a, miť sa~ote ar ban' khan eskar ho~_ lahak'tege hoyok'a, hante nhote hon.d.ealen khan do_ ban' hoyok'a.Tin din aboak' mon ontorre jothat jo_stet' ban' gad.aok'a, bin-hiska. jotokote kajakte babon lahak'a undin abo somaj reak' as akan jo_stet' joaok' do_ ban' n'elok'a.

Jisuge Aboren hor Uduk'ic'

Jisu do Thomae metadea, " In'ge hortet', sariak'tet', ar jion. In' hotete ban'khan okoe ho~ Baba t.hen ohoko sen dar.elena." (Johon 14:6).

Tehen' okoet.ak' hor. ho~ Jisu n'ele la.git' ar Uniak' katha an'jom la.git' hahan'karte bako calak' kana. Ar nan'graha kore uniak' hoho ho~ ban' an'jom n'amok' kana. "Nasaretren Jisu onkatey tar.am idiyeda". (Luke 18:37) menkate okoe ho~ bako hohoyeda .

Enreho~, tehen' noa katha do sa.riak'gea je Jisu bae n'el n'amok'kan reho~ abo sa~ore menaea, hore uduk' abon kana are a.yuret' bona. Dula.r. katha abo t.hene ja.hiret'kana. Ar okoeko do et.ak' t.ua.rko se ren'gec'ko se rua.re ja.bun rugi la.git' ko ka.miyet' Jisu do onkoe gor.o are bhorako kana. Onate abo mon'j taken la.git' ar Jisuak' daya ar a.sirbad n'am la.git' uni t.hen neho~r hoyok' tabona ar Jisu do abo son'gete tahena ar aboak' neho~r katha ko an'jomtabona.

Darakan Sokolbar SSC Bid .a .u Reak´ Jo Sodorok´a

Calaoen 30 April Secondary School Certificate (SSC) ar ona man reak´ bid .a .u ehop´lena. Ona bid .a .u are (9) got .en sikhna .t board reak´ tabere bargel (20) lakh khon ho´ d .her pa .t .hua . gidra . bid .a .u ko em akada. Ado ona SSC bida .u reak´ jo do darakan Sokolbar (28.07.23) July sodorok´a. Bid .a .u reak´ jo sodorok´te eken mit´ din ba .ki menak´a. Sokolbar setak´ 10:30 baja tala do nij nij sikhna .t t .ha´ona khon ar Online re mit´ sa´ote sodorok´a.

SSC Pa .t .hua . ko do cet´ lekate bid .au jo ko bad .ae dar .eak´a, ona ho´ Dhaka Madhomik ar Ucho Madhomik sikhna .t board pust .aute bad .ae ocokeda. Dhaka sikhna .t board reak´ mit´ d .ha .rwa .k´re menakana, SSC pa .t .hua . ko do sikhna .t board reak´ website educationboardresults.gov.bd re bolokate Roll no, Registration no, bid .a .u reak´ n´utum, bochor metak´me bid .a .u emakat´ serma se sal ar sikhna .t board select katec´ submit bat .on re click lekhangе jo bad .ae n´amok´a. Ina . chad .a ho´ mobile re ho´ jo bad .ae n´amok´a. Ona la .git´ Message option re bolo katec´ SSC ol hoyok´a ar space emkate board reak´ n´utum pa .hil pea akhor ol katec´ arho´ space emkate roll no ol hoyok´a arho´ space emkate bida .u reak´ bochor se sal ol katec´ 16222 nombor re kol hoyok´a. (Udharon lekate-SSC DHA ROLL YEAR) nonka ol hoyok´. Noa ko ol kate t .hikte kol lekhangе bid .a .u reak´ jo do message hotete bad .ae n´amok´a.

Meskoc´

Meskoc´

(1)

Iskulte bilom calak' reak' karontet'-

Mahasoe: E Ga_blu, cedak' kelas hijuk'em bilomena?

Ga_blu: Mahasoe, en'ga_n' a_pun' kin jhogr.ak' kan tahe~kana.

Mahasoe: Cedak' am dom thiret'kina ado? Juri-pa_ri ak' jhogr.a do ac' ac'tege cabak'a.

Ga_blu: Ona don' bad_aegea Mahasoe.

Mahasoe: End_ekhan cet' tobe?

Ga_blu: Ente in'ak' send_el mit't_en en'ga_n' ar mit't_en do a_pun' ak' tire tahe~kana.

(2)

Mit't_en d_urukia. pocra hor. gad_ate paerak'-e sen akana-

Pocra hor.: E ke~ot_a boeha, gad_are bin' ko ba_nuk'koa tho?

Ke~ot_a: Ban'a boeha, ba_nuk'koa bin'.

Pocra hor.: end_ekhan ma nirbhabnan' paera dar_eak'a.

Ke~ot_a: He~ paera dar_eak'geam, Menkhan thor_a sontorte paera hoyok'a.

Pocra hor.: Cedak'?

Ke~ot_a: Mit't_en tayan menaea. Unige sanam bin'-e jom marao akat'koa.

Mit't.en Pha.kir Hor.ak' Golpo

Gad.a d.hipre mit't.en pha.kir se kokoe hor.e dur.up' akan tahe~kana. Ona ar.ete mit' hor.e parom calak'kan okte pha.kire kulikededa, "cedak' nond.em dur.up' akana? Ado uni ror. rua.r.adea, " tinre noa gad.a an'jedok'a, jemon noa gad.an' parom dar.eak'. " khangé uni hor.e mengot'keda, noa do cet katham meneda, got.a gad.a an'jedok'em ta.n'gi horet' khan, tisre ho~ ohoge noa gad.am parom dar.eak'a? Unre uni pha.kir se kokoe hor.e menkeda, Sanam hor. noagen' bujha.u ocoyet'koa je, Ape modre okoe do jao ghur.ige memen kan je, noa jion jingi reak' joto lekan da.yik ka.mi kon' pura.u lekhange kusi ra.ska. hesec' sekrec' ren' tahe~na, joto hor. sa~oin' n'apama, hor.kon' seba joton koa, a.cur arin' mand.rao bar.adea, nonkan katha ror. do ban' t.hika. Cedak'je onko do bet.hik katha ko ror.or. kana.

Sikha.una: Mit'din sanamko noa dha.rtibon ba.giak'a menkhan noa dha.rti jion jingi reak' aboak' da.yik tis ho~ ban' cabak'a. Onate aboak' jion reak' joto lekan da.yik ko aboak' jion reak' calak' horre son'ge son'gete ka.mi hoyok'a. One oka do abo mimit'ko kusi ra.ska. ar suke emabon. Aboak' da.yik reak' bojha una.k' do babon hamala, oka do aboak' jionre suk bodolte eken duk da.ndite perec'kok'.

A.kilan Hor.

Mit't.en a.kilan bha.gan hor.e tahe~kana. Jao hilok' a.yup' bela uni t.hen hor.ko hijuk'kan tahe~kana. Ar uni hor. do onkoak' suk-duk muskil reak' katha an'jomkate aema lekan solhae emakoa ar ona muskil cabae reak' hore uduk'ako kan tahena. Adom hor. do ina. mit' muskil karonak'te ghane ghane hijuk' ko ehop'ena. Ado hec'kate ko rak'et tahena.

Mit'din uni a.kilan hor. do hec' akan hor.ko mit't.en meskoc'e la.iat'koa. Ona meskoc' an'jomte selet' akan joto hor. landa landateko lan'ga cabayena. Ina. mit' gha.r.i tayom arho~ ina. mit' meskoc' ge la.iat'koa, nia. dhao do an'jomkate thor.a hor.ko landakeda. Tinre tesar dhao ona meskoc'e la.ikedda, unre onko hor. modre okoege bako landaleda. Adoe menkeda, "Ghane ghane mit't.en meskoc' an'jomte landa ban' sanayet'pea, menkhan ina. mit' muskil ia.te cedak' ghane ghane pe rarak' kana?

Sikha.una: Duk-da.ndi, muskil do eken dar.e ar okto-e nost.oya. Noa do tis ho~ muskil do bae miman'sa dar.eak'a.